

李泰伯先生文集

711.114
54026

李泰伯先生文集

肝江先生全集卷之二十四

潛書十五篇

并序

秦伯閑居有書十五篇憤乎世故警憲邦國遐探切驗
辭不柔伏噫道未行速筭何也姑待知者而出之乎乃

命曰潛書

吾民之饑不耕乎曰天下無廢田吾民之寒不蠶乎曰桑
桑滿野女手盡之然則如之何其饑且寒也曰耕不免饑
蚕不得衣不耕不蚕其利自至耕不免饑土非其有也蠶
不得衣口腹奪之也鉏耰耒乾喉不甘矣新絲出盜膚不
綖矣鉅產宿財之家穀陳而帛腐傭饑之男婢寒之女所

呂弗過升斗尺寸嗚呼吾乃今知井地之法生民之權衡
子牛地立則田均田均則耕者得食食足則蠶者得衣不
耕不蠶不饑寒者希矣
浮屠以不殺爲道水飲而蔬食舉世稱其仁夫雞豚狗彘
待人而後生者也食人之粟以滋其種類一日無人則饑
而死然而天下之民所以不愛其資豢而畜之者用於其
家故也神靈之祭賓客之奉於是乎取之今且使民無搖
手於其間則何待而粒之哉吾見其無遺種矣抑將不殺
其身而務絕其類乎仁者不爲也抑將奪人之食以飽無
用之禽乎仁者不爲也嗚呼浮屠之仁歟止於是而已

善卜筮者能告人以禍福不能使禍福必至於人喜福而怠修則轉而之禍懼禍而思戒則易而爲福若是則龜筮皆妄言故歌大寧者無驗於昏主恤危亡者常失於明后善言天下者言其有以治亂不言其必治亂

夢者之在寢也居其傍者無異見耳目鼻口手足率故形也鬼之所遊則或羽而仙或冠而朝或宮室輿馬女嬃奏舞興乎其前忽富驟榮樂無有極及其覺也撫其躬亡毛髮之得於是始知其妄而笑此無他獨其心之溺焉耳苟合以希聲盜勢以驕人齧利以封已趑趄笑呵晨作暮已從而視之犬言玃裾未始有變而其人且囂然自謂賢智

顯大莫與爲對嗚呼將幸而覺耶抑將冥冥沒沒遂至於死邪如其覺也當自笞之矣

左右奉養被服教戒子非尊於母也勉征繕聽誅殺民非貴於君也母以有子而尊君以有民而賢無子無民母出君滅人之於其配成之以厚禮無子而出之者不以宗廟之重私一女也天之於立君命之以符瑞無民而滅之者不以天下之大私一人也然則恃母之尊而不能養子家之逐妻也倚君之貴而不能愛民國之喪王也苟得其心少康一旅爲有民苟失其心商王億兆無民矣是故聖人簡後而輕賦喜德而憚刑

名位不立貴賤不分天下其何如曰亂而已矣名位既立
貴賤既分天下其何如曰亂而已矣敢問何謂也曰無名
之亂統不一也有名之亂欲而爭之也古人有言曰萬乘
之國弑其君者必千乘之家千乘之國弑其君者必百乘
之家貴令而驕賤承而辱能無覲心者幾希矣是故君子
位高而德脩外榮而中懼恭儉以下人恩澤以結物爲是
戒也夫

天之制兵革其有意乎見其末者曰爲一人威天下明其
本者曰爲天下威一人生民病傷四海冤叫湯武之爲臣
不得以其斧鉞私於桀紂是以庸君中材抽手人袖不敢

加於無辜之草木噫後之人其可以放蕩之德席其上
虎豹之性喜噬人者也去其爪牙則可使爲羊豕擾而畜
之無害矣貪暴不順小人之常心唯其逸才者可以逞其
惡於天下莽篡卓弑是皆有過人之才故能牴牾同列之手
使之無動才乎才有德以爲功無德以爲亂官乎人者宜
如何聞之曰無德而才猶資盜以兵

周之制其仁矣乎八家九頃以足其食五畝樹桑以爲其
衣媒氏以時其婚姻庠塾以賢其子弟疾瘍有醫賣續有
平管徵司隱王心察察焉呼其之國亦嘗有意於是乎

乃知古之天下君養民也後之天下民自養也奈何以惡
政惡吏困自養之民哉

事親以孝事君以禮聖人以是師天下也佛之法曰必絕
而親去而君剔髮而胡衣捐生以事我其獲福不知所盡
此獨何歟受親之體而不養於其側食君之田而無一拜
之謁家有叛子而族人愛之邦有傲民而吏不肯誅以佛
之主其上也紂爲諸侯逋逃主而諸侯伐之佛爲天子逋
逃主而天子未嘗怒哀哉
有吏於人上者曰爾無爲孽且伏大刑雖婦人幼子咸信
而懼矣若曰多賄予罪大不問則天子必降誅時人將指

而噉今浮屠之言曰人死則爲鬼善有美報惡有無極苦其於訓愚蓋必附於理若繼之曰後我牢嚴我像衣食我徒雖弑君父亡所恤而王公大人反朋而和之何也

犬之無事時叱則走遺骨則爭及其噬人也臨之以箠而弗抑投之以食而弗顧愛其家不敢愛其身也受天子祿守天子土械奸民効情吏而致之法上官一言巨室一金則解而出之不待旦踣勢而懼懷賂而喜妥首搖尾良犬之耻

天之疾惡也常有以助之失德之君民不若是之困也亡不若是之速也以有天爲之助焉故毀於下氣變於上君

取其一天取其十賦人未空其帑而水旱之酷已奪其稼
矣刑人未潰其膚而癘疫之行已殘其命矣是以夫煩愁
痛寇賊竊發惡之一毫怨丘山矣此豈天之不仁歟疾其
惡幸其死謂民不困則亡不速故也嗚呼爲人上者無爲
天之所助戒哉

襁褓者智乎冠衣者智乎謂襁褓智而冠衣懵則臧獲必
笑子之在母也遶而出閭則啼呼不安指其父則嘻笑而
歸之其心未嘗不在父與母也巋然而角泠然而語其智
益多其孝益不足釋哺乳而逐醉飽背庭闈而諂妻妾則
是智者孝之賊歟昔以見養而從親今以自養而忽之病

庖羹罄未嘗去膝下智者果孝之賊矣噫先王之任智也
亦如是乎故壯齒慙於嬰兒賢母不願生才子
孔子之言滿天下孔子之道未嘗行簠簋牲幣廟以王禮
食其死不食其生師其言不師其道故得其言者爲富賢
得其道者爲餓夫悲夫

廣潛書十五篇

并序

歲辛未泰伯以潛名書後七年羈栖山巖卽而廣之復
爲十五篇心愈苦言愈多嗚呼其亦見險而不能止者
乎

聖人以道強人乎奚其言之峻也曰否人斯有之也有

而不自烹跳而逐諸物放蕩以溺死聖人因其有而品節
之使之堅守而弗去不則聖人違天而病人其何德之
有哉天下之事無若聖人之道之易行也無若聖人之
徒之安以榮也親我所愛也而孝存焉長我所畏也而悌
著焉夫嬾莫不欲和也而義生焉男女莫不有別也而禮
成焉教子養孫飲觴食豆以善鄉黨僚友心平而體胖內
明而外治憂患以除恥辱以遠推之國放之天下莫之能
逆也已孰若是蕩蕩者乎拾小而遺大瞭利而眊害神罷
於詐筋絕於爭日之樂而月之憂慶云徹席而就而位焉吁
我有之誠易行也而安樂繼之屈已以從物蓋難能也而

憂辱終之狀猶世俗輕去此而適彼是不忍再精思而咻之者衆也

受命於天乎受命於人乎受命於天性善是也受命於人從俗是也背國而從僞者謂之叛其得罪死言天而從人者始雖得志天其不討乎

人誰無過歟孔門高弟自宰我子貢冉有季路或不免於譏今茲雖有罪庶可以辭乎曰大主當玷不害其爲寶也若砥砭甚粹密焉猶爲石也石而缺斯棄之矣賢者之責也備故小過孔子譏之今茲之所謂是者折諸賢門猶有罪也今茲之所謂罪者刑戮而未施刀鋸焉奚竊議於彼

易曰閑有家悔亡家之不閑未始能無悔也彼莫不惡其
家之亂也而罔念所以啓之者妾婢寡則無怨女婚姻時
則無曠夫怨女曠夫亂由是出也欲戕於性女什於士閨
門之內不見德而見色吁已則爲之而謂人已乎

浮屠法其有功於茲乎何也曰天生民而胙之畎畝其痺
則手於工足於商爲有益於人而後食其報不然父母不
得私其子放諸餓殍而已矣今夫閭民童其首而衣之緇
所以飽煖而安肆是有功於情也古之教者曰天道福善
禍淫今夫大猾陰賊恤其謫之及乃美僧飯大佛屋謂之

懺悔因施施無復色憂是有功於惡也宮室之度非財不
侈巨木丹碧庶人鮮或用淫巧無所憚其繩惟宅浮屠無
藝不憚窮山裂石必致之淫巧日富焉是有功於末作且
寵奇貨也苟去浮屠氏是使情者苦惡者懼末作窮奇貨
賤是天下不可一日而無浮屠也宜乎其排之而不見聽
也

嘗學斷獄乎吾爲子舉其要坐獄而問之曰功爾言之罪
爾言之從而詰之曰功信矣而罪如此其大也尺寸之功
不足以贖也是其人雖欲不服何辭哉若功不及齒牙而
惟罪是詰雖滔天其人將曰我有功而弗問而專咎予欲

其無辭難矣昔之排浮屠者蓋猶有過徒非其非而弗及
其是雖柳宗元尚不聽退之況其痺者乎胡不窮之曰爾
之道以慈悲普濟率民講報應以威之使不敢放於惡其
大者則曰見性也吁亦是矣雖狀爾之慈悲普濟而不以
禮節之六畜蠢動一意是不知父子之可親而他人之可
疏也親疎不別是夷狄也爾之報應而不以信守之輕財
媚佛則反禍爲福是招權鬻獄汙吏事也爾之見性而不
漸諸訓典左右如其真是赤子不得成人也見丹而丹見
素而素不肯一御其心而之他率斯道則上不得正其下
下不得志其上絕其繆而逸之野鹿焉疾子喪心焉孰謂